

\*1. وزیر دفاع راجناتھ سنگھ نے ملک پہر مانہ سرحدی سڑک تنظیم بی آر او غا 75 پروجیکٹاں گو افتتاح کیو ہے تے فوجیاں نانہ کہیو ہے جے وے کسے وی صورتحال نال نمژن واسطے تیار رہیں۔

\*2. وزیر اعظم انٹرنشپ اسکیم پورٹل وراج تیں اندراج شروع ہو کیو ہے۔

\*3. وجیا دشمی غو تہوار اچ ملک پہر مانہ مذہبی عقیدت تے جذبہ سنگ منایو جا رہیو ہے۔

\*4. بھارتی کرکٹ ٹیم تے بنگلہ دیش غی کرکٹ ٹیم بشکار اچ حیدرآباد مانہ تیجو تے آخری ٹی 20 کرکٹ مقابلو کھیڈیو جا ئے گو۔

\*\*\*\*\*

خبران غی تفصیل نال پہلا محمد امین انجم۔

## BRO

سرحدی بنیادی ڈھانچہ غی اک بہتر مضبوطی مانہ وزیر دفاع راجناتھ سنگھ نے 2 ہزار 2 سو 36 کروڑ روپیاں غا 75 پروجیکٹاں گو اچ ورجول طریقہ نال افتتاح کیو۔ بنیادی ڈھانچہ غا یہ پروگرام سرحد سڑک تنظیم بی آر او غی طرفوں تعمیر کیا گیا۔ یہ پروجیکٹ بشمول انڈومان تے نکو پار جزیراں، 11 ریاستاں تے مرکزی زیر انتظام علاقان مانہ تعمیر کیا گیا۔ ورجول طریقہ نال افتتاحی تقریب مانہ وزیر دفاع نے کہیو جے 2014 مانہ قومی جمہوری اتحاد این ڈی اے غی حکومت وجود مانہ آن تیں پہلاں ترقیاتی رفتار رک گئی تھی تے اس سلسلہ مانہ شمال مشرقی اور سرحدی ریاستاں نانہ اک چھوٹی ترقی تیں وی محروم رکھیو گیو۔ لیکن مرکز مانہ حکومت تبدیل ہون تیں بعد شمال مشرقی تے سرحدی ریاستاں نانہ ترقی غا عام دائرہ مانہ واپس آئیو گیو۔ وزیر دفاع نے اچ 22 سڑک پروجیکٹاں غے نال نال 51 پلان تے 2 مختلف پروجیکٹاں غو وی افتتاح کیو۔ ان پروجیکٹاں مانہ 19 پروجیکٹ جموں کشمیر یوٹی مانہ تعمیر کیا گیا ہیں۔ اسے طرح 11 لداخ یوٹی، 18 پروجیکٹ اروناچل پردیش مانہ 9 اتر کھنڈ مانہ، 6 سکم مانہ 5 ہماچل پردیش مانہ، 2/2 مغربی بنگال تے راجستھان جد کہ 1/1 پروجیکٹ ناگا لینڈ تے میزورم مانہ تعمیر کیو گیو ہے۔ لیفٹنٹ گورنر منوج سنہا نے وزیر دفاع غو شکریو ادا کیو جے جنہاں نے جموں کشمیر مانہ 19 پروجیکٹ وقف کیا۔

\*\*\*\*\*

## Rajnath Shastra Puja

وزیر دفاع راجناتھ سنگھ نے اچ کہیو ہے کہ گوانڈی ملکان غی طرفوں کسے وی قسم غی کا روانی غو مقابلو کرن واسطے حفاظتی دستا پوری طرح نال تیار ہیں۔ ڈار جلنگ مانہ وجے دشمی تہوار غا موقع ورجواناں سنگ شاستر پوجا کرن تیں بعد جوانان نال خطاب کرتاں واں جناب راجناتھ سنگھ نے کہیو جے جد تیں انہاں نے وزارت دفاع غی ذمہ داری سنبھالی ہے۔ انہاں نے ہمیشہ سچ ور زور پایو۔ جے عالمی سطح ور جھیڑی مرضی صورتحال وے۔ انہاں نانہ تیاری مانہ کوئی وی کسر باقی نہیں رکھنی چاہیے۔ وزیر موصوف نے شاستر پوجا غا حوالہ سنگ کہیو جے کسے چیز غی پوجا واضع اشارو ہے جے یاہ ضرورت پین ور پوری طاقت نال استعمال کی جائے گی۔ یاہ تقریب قومی سلامتی بارے چوکسی اور ذمہ داری ظاہر کرے۔

\*\*\*\*\*

## Bani Bridges

سرحدی سڑک تنظیم بی آر او غا بکھ بکھ اُن پروجیکٹاں مانہہ بنی بہدرواہ سڑک ور چار پُلاں وچوں دو پُل شامل ہیں جن غو افتتاح ورچول طریقہ نال وزیر دفاع راجناتھ سنگھ نے اج کیو ہے۔ کٹھوعہ تیں آکاشوانی گا نامہ نگار پردیپ شرما نے خبر دتی ہے جے ڈی ڈی سی چیرمین کرنل مہان سنگھ جھڑا نو اکھولیا گیا پُلاں ور موجود تھا۔ نے دسیو جے بنی تے بہدرواہ نانہہ جوڑن آلا یہ دوئے پُل پہاڑی علاقہ واسطے رابطہ غو واحد ذریعو ہیں جس نال لوکاں غی دقت دور ہو ویں گی۔ اُنہاں نے دسیو۔۔۔ بانٹ۔۔۔

\*\*\*\*\*

## PM Internship

تربیت بارے وزیر اعظم انٹرنشپ اسکیم 2024 واسطے اندراج غی کا روائی اج شروع ہو گئی ہے۔ جس طرح جے حالیہ بجٹ مانہہ اعلان کیو گئو تھو جے یوہ پروگرام 12 مہیناں غی انٹرنشپ تربیت غی پیشکش کرے تا نچے نوجوان لوکاں نانہہ اصل زندگی غا کاروبار غا سلسلہ مانہہ تجربو حاصل ہو سکے۔ وزیر اعظم غی انٹرنشپ اسکیم غو مقصد بھارت غی اعلیٰ درجہ غی 5 سو کمپنیاں مانہہ اگلا 5 بہراں غے اندر 21 تیں 24 بہراں غی عمر غا 1 کروڑ نوجواناں نانہہ تجربو مہیا کرانو ہے۔ اس سلسلہ مانہہ ہن توڑی پورٹل ور 1 سو 93 کمپنیاں غی طرفوں تقریباً 91 ہزار تربیتی موقع پیش کیا گیا ہیں۔ سرکار غو مقصد ہے جے مالی سال 25/2024 مانہہ سوا لکھ تربیتی موقع مہیا کرایا جائیں۔ اس سکیم نانہہ اُن لائین پورٹل غی مدد نال عملایو جائے گو جس غو پتو اس طرح ہے۔ پی ایم انٹرن شپ ڈاٹ ایم ایس سی اے ڈاٹ گو ڈاٹ ان۔ اس ضمن مانہہ فی امید وار نانہہ 12 مہیناں واسطے 5 ہزار روپیاں غی نقد امداد غے نال نال اک بار 6 ہزار روپیہ دتا جائیں گا۔ ذریعے غے مطابق اس سلسلہ مانہہ موقع 36 ریاستاں تے مرکزی زیر انتظام علاقہ گا 7 سو 37 ضلعان پھر مانہہ دستیاب ہیں۔ قابل ذکر ہے جے انٹرن شپ غی خاطر پورٹل تیں درخواست دتی جا سکیں تے اس ضمن مانہہ درخواست جمع کران غو سلسلو اج تیں شروع ہو غے 25 اکتوبر تک جاری رہے گو۔

\*\*\*\*\*

## President Visit

صدر جمہوریہ درویدی مرمو پلک تیں 19 اکتوبر تک 3 ملکاں غا دورو کریں گی۔ صدر جمہوریہ غو 3 افریقی ملکاں غو یوہ سب تیں پہلو دورو ہے۔ قابل ذکر ہے جے یوہ تاریخی دورو بھارت غی صدارت غے دوران افریقی یونین مانہہ جی 20 غو مستقل رکن بنان تیں 1 سال بعد ہو رہیو ہے۔

\*\*\*\*\*

## IAF Rally

لیفٹنٹ گورنر منوج سنہا نے اج سرینگر تیں وایو ویر وجینا کار ریلی نانہہ جھنڈی دس غے روانہ کیو۔ ریلی غو انعقاد اُترکھنڈ غا جنگی یادگار بارے سابق فوجیاں غا تعاون نال بھارتی فضائیہ نے کیو تھو۔ فضائیہ غا جنگجوواں نال راج بھون سرینگر مانہہ گل کرتاں واں لیفٹنٹ گورنر نے اُنہاں نانہہ کار ریلی بارے مبارکباد تے نیک خواہشات پیش کی موصوف نے مزید کہیو جے قوم فوجی دستاں غی احسان مند ہے جے اُنہاں نے بھارت غی ترقی در تیزی نال چلن غی خاطر محفوظ تے پُر امن ماحول یقینی بنایو۔ اُنہاں نے آجاگر کیو جے پچھلا 10 بہراں مانہہ وزیر اعظم نریندر مودی غی قیادت مانہہ بنیادی ڈھانچہ تے سرحدی رابطہ نانہہ مضبوط کیو گئو ہے۔

\*\*\*\*\*

یہ خبر تم آکاشوانی جموں تیں سُن رہیا ہیں خبراں غا باقی حصہ نال عبدالمجید۔

### Dussehra

مُلک غا دوجا حصالاں غی طرح وجے دشمنی یعنی دُشہرہ گو تہوار جموں خطہ مانہہ وی اج منایو جا رہیو ہے۔ یوہ تہوار رام غی راون ورجت تے اچھائی غی بُرائی ورجت غی یاد مانہہ منایو جا ئے۔ اج غے تہاڑے نوراتری تے دُرگا پوجا غو اختتام وی ہے۔ صدر جمہوریہ درپدی مُرمو، نائب صدر جگدیپ دھنکڑ تے وزیر اعظم نریندرمودی نے اس موقعہ و ر لوکاں نانہہ مبارکباد دتی ہے۔ لیفٹنٹ گورنر منوج سنہا نے وی لوکاں نانہہ دوشہرہ غی مبارکباد دتی ہے۔

\*\*\*\*\*

### Katra Shrine

نوراتری غا تہوار غا اختتام ورجموں کشمیر غا کٹڑہ مانہہ واقع شری ماتا ویشنو دیوی شرائین ورجت منداناں غی بھیڑ دیکھی گئی۔ ریاسی تیں آکاشوانی نامہ نگار دیویندر ٹھاکر نے شری ماتا ویشنو دیوی شرائین بورڈ غا سی ای او انشل گرگ غا حوالہ نال خبر ٹوری ہے جے نوراتری غا گذشتہ 9 تہاڑاں غے دوران 4 لکھیا تریاں نے پوترگفہ غی یا ترا کی۔ اواں یا ترا نانہہ احسن طریقہ نال کران واسطے متعلقہ بورڈ غی طرفوں کیا وا انتظامات تیں یا تریں خوش تھا۔ کجھ عقیدت منداناں نے آکاشوانی نال گل کرتاں واں اس طرح کہیو۔ پانٹ۔

\*\*\*\*\*

### Culture

کلا کیندر سو سائٹی جموں پلک تیں کلا کیندر وکرم چوک جموں مانہہ 3 روزہ بین القوامی بُتر نمائش تے ورکشاپ غو انعقاد کرے گی۔ ثقافت تے تعلیم محکمہ غا پرنسپل سیکریٹری سوریش کمار گپتا اس موقعہ ورجمہمان خصوصی وین گا تے سو سائٹی نے اس نمائش مانہہ شرکت واسطے سب نانہہ سابدو دتو ہے۔

\*\*\*\*\*

### Mens Cricket

بھارت کرکٹ ٹیم تے بنگلہ دیش غی کرکٹ ٹیم بشکار اج حیدرآباد مانہہ تیجو تے آخری ٹی 20 کرکٹ مقابلو کھیڈیو جا ئے گو۔ یوہ کرکٹ مقابلو اج شام 7 بجے شروع وے گو۔ 3 مقابلان غی سریز مانہہ بھارت نے پہلا 2 مقابلو جیت لیا ہیں۔ اس سلسلہ غا دوجا مقابلو مانہہ بھارتی کرکٹ ٹیم نے بنگلہ دیش غی کرکٹ ٹیم نانہہ دہلی مانہہ 86 دوڑاں گا نمایاں فرق نال ہرا دتو تھو تے پہلو مقابلو گوالنیر مانہہ 7 وکٹاں نال جیت لیو تھو۔ اواں بی سی سی آئی نے بھارت تے نیوزی لینڈ بشکار 16 اکتوبر بدھوار یں شروع ہون آلی 3 مقابلان غی ٹیسٹ سریز واسطے 15 ممبر اسکاڈ غو اعلان کردتو ہے۔ بی سی سی آئی نے گذشتہ روز جاری بیان مانہہ دسیو جے ٹیم غی قیادت روبرت شرما کریں گا۔ جد کہ جسپریت بُمرا نا ن ب کپتان وین گا۔

\*\*\*\*\*

### Asian Table Tennis Championship

ایشین ٹیبل ٹینس چمپئن شپ مانہہ ابیکا مکھرجی تے سو تیرتھا مکھرجی نے کزاکستان استھانہ مانہہ اج عورتاں گا ڈبل سیمی فائنل مانہہ بہتر کارکردگی غو مظاہرو کیو ہے۔ انہاں نے کواٹر فائنل مانہہ جنوبی کوریا غی کم نیونگ تے لی اینوئی نانہہ 1/3 نال شکست دتی ہے۔ پلک یہ دوئے کھلاڑی سیمی فائنل مقابلو مانہہ جاپان غی میواہری موٹو تے میہو کھیرا نال کھیڈیں گی۔

\*\*\*\*\*

## Poonch Boxing

نوجوان خدمات تے کھیڈاں غا محکمہ پونچھ نے سماجی بہبود محکمہ غا اشتراک نال پونچھ مانہہ اج ”بیٹی بچاؤ بیٹی پڑھاؤ“ غے تحت لڑکیاں واسطے مکے بازی مقابلان گو انعقاد کیو۔ ایسو عورتاں نانہہ باختیار بنان تے ان گاہیڈاں مانہہ ہتر نانہہ باہدو دین خاطر کیو جا رہیو ہے۔ آکا شوانی غا نامہ نگار انوبھو مصری نے پونچھ تیں خبر توری ہے جے اس مقابلہ مانہہ ضلع غا بکھ بکھ علاقان غی خواتین مکے بازاں نے شرکت کی۔ تے اپنا ہتر تے کھیڈاں مانہہ صلاحیت غو مظاہرو کیو۔ اس مقابلہ غو مقصد کھیڈاں مانہہ جنسی بروبری بارے بیداری نانہہ عام کرنو، تے والدین تے بکھ بکھ طبقان نانہہ بچیاں غی کھیڈاں واسطے حوصلہ افزائی کرن ور ترغیب دینو تھو۔ اس کھیڈ مقابلہ مانہہ حصولین آلی مکے بازاں نانہہ تمغہ تے سرٹیفکیٹ دتا گیا تے جتیا وا کھلاڑیں ریاستی سطح غا مقابلان مانہہ اگے حصولین گا۔

\*\*\*\*\*